

Культура

АГИКИ — пилотнай бырайыак быһыытынан

Тохсунньу 5 күнүгэр Саха Республикатын президенэ Егор Борисов Российской Федерация культуратын министрэ – статс-сэкирэтээрэ Григорий Ивлиевы кытта көрсөн, хотугу регионна культура сайдыытын тула кэпсэттэ.

Саха сирин баһылыга 2012-2017 сылларга бюджет тэрилтэлэрин үлэһиттэригэр хамнаһы үрдэтии Концепциятынан бигэргэммит культура үлэһиттэригэр хамнаһы үрдэтии дьаһалларын туһунан кэпсээтэ. Маны сэргэ Егор Афанасьевич республика бары оройуоннарыгар культура уонна элбэх функциялаах кииннэри тиһигин тэрийии былааннарын туһунан санаатын үллэһиннэ.

Григорий Ивлиев бэлиэтээбитинэн, Саха Республиката Российской Федерацияга культура уонна духуобунас боппуруостарын государственнай политика быһыытынан ытар субъектартан биирдэстэринэн буоларын бэлиэтээтэ. Көрсүһүү кэмигэр Арктикатаабы искусство уонна культура государственнай институтун салгыы үлэлээһинин боппуруоһугар анаан-минээн кэпсэттилэр.

Егор Борисов бу институту РФ культуратын министерствотун дьаһайыты-

гар туспа юридической сирэй быһыытынан хаалларарга, кэлэр өттүгэр бу базатыгар орто профессиональной үөрэхтээһин – М.Н.Жирков аатынан Дьокуускайдаабы музыкальнай колледжы уонна П.П.Романов аатынан Дьокуускайдаабы ойуулуурдүһүннүүр училищаны холбоон элбэх функциялаах үөрэтэр уонна научнай-айар комплексы тэрийэргэ этии киллэрдэ. Бу комплекс Российской Федерация Арктикатыгар культура уонна искусство эйгэтигэр үөрэхтээһин инновационнай моделин тэрийэр пилотнай бырайыагынан буолар кыахтаах.

Республика правительствота РФ культуратын министерствота бигэргэпит 2013-2017 сылларга АГИКИ сайдыытын программатыгар олобуран институт үлэтин күүһүрдүүгэ үбүнэн көмөлөһөр үлэни салгыаба.

Egorborisov.ru сайтан.